



Sapos laef o helt o propati blong yu i stap long bigfala denja, bae oli save sendem wan Imejensi Woning blong Mobael i kam long fon blong yu.

Imejensi Woning blong Mobael hemi wan mesej we wan stret ofis i sendem i kam long mobael fon blong yu. Bae hemi mekem wan bigfala noes blong kasem atensen blong yu.

### Wanem nao bae mi mekem sapos mi kasem wan Imejensi Woning blong Mobael?

Stop long wanem we yu stap mekem mo folem ol instraksen.

Oli stap sendem ol Imejensi Woning blong Mobael nomo taem:

- I gat wan bigfala denja long laef o helt o propati; o
- Wan o tu taem long wan yia blong mekem test.

Sapos yu kasem wan Imejensi Woning blong Mobael, yu mas ting hevi long hem mo folem ol instraksen.

I no evri mobael fon we i save kasem ol Imejensi Woning blong Mobael. Sapos yu kasem wan Woning, talemaot long ol narafala man.

### Mi mas saenap blong kasem ol Imejensi Woning blong Mobael?

Yu no nid blong saenap o daonlodem wan app. Oli stap sendem ol woning i go nomo long ol eria we oli stap long denja, olsem we bae yu kasem nomo sapos i gat wan imejensi long eria blong yu.

Sapos fon blong yu i on, mo hemi inaf blong risivim ol woning, mo hemi stap insaed long eria we oli sendem woning i go long hem, hemia nao, yu save kasem woning.

### Hu nao i gat raet blong sendem ol Imejensi Woning blong Mobael?

Ol ofis ia nomo oli gat raet blong sendem ol Imejensi Woning blong Mobael:

- National Emergency Management Agency
- Civil Defence Emergency Management Group
- NZ Police
- Fire and Emergency New Zealand
- Ministri blong Helt, mo
- Ministri blong Praemari Indastri.

### Imejensi Woning blong Mobael i no riplesem ol narafala rod blong infomesen.

Imejensi Woning blong Mobael hemi wan **narafala rod** nomo blong meksua se yu stap sef mo yu kasem infomesen long taem blong imejensi. Hemi no tekem ples blong narafala rod blong woning, mo hemi no min se yu no tekem aksen taem i gat ol najerol woning.

Yu mas mekem rere long imejensi oltaem, mo yu no

## OL ROD BLONG INFOMESEN



TV



Radio



Sosel  
Midia



Intanet




Imejensi  
Woning Blong  
Mobael

stap wet long wan woning bifo yu tekem aksen. Sapos yu harem olsem laef blong yu i stap long denja, yu no wet long ofisol woning. Tekem aksen naoia nomo.

Tekem taem blong mekem wan imejensi plan blong yu, blong talemaot wanem blong mekem, we ples blong go, hu i save helpem yu, mo hu nao i save nidim help blong yu. Yu save mekem wan plan onlaen long [getready.govt.nz](http://getready.govt.nz).

### Olsem wanem nao Imejensi Woning blong Mobael i wok?

Imejensi Woning blong Mobael hemi yusum wan signal we



1. Wan long ol stret ofis i faenemaot eria we i gat imejensi we i stap long hem, mo hemi mekem woning blong sendemaot.
2. Ol taoa blong mobael long eria ia oli sendemaot woning.
3. Ol mobael fon insaed long eria ia we oli stret kaen blong kasem ol woning oli risivim woning.

hemi blong hem wan nomo, mekem se long taem blong imejensi hemi save wok gud iet long taem we mobael fon mo intanet i mekem se netwok i ovalod.

Nomata yu stap long wanem netwok, eni mobael fon we hemi stret kaen blong kasem ol woning bae hemi risivim woning taem hemi kam insaed long eria ia.

### Mi save tekem desisen se mi no wantem risivim ol Imejensi Woning blong Mobael?

From se Imejensi Woning blong Mobael hemi blong meksua se yu stap sef, yu no save tekem desisen se yu no wantem risivim. Ol woning ia oli no go long wanwan mobael fon, oli sendem i go long stret eria we denja i stap long hem. Imejensi Woning blong Mobael i no yusum mobael fon namba blong yu, mo hemi no stap karem eni infomesen long saed long yu.